

Հայկական եկեղեցիները՝ Չառա Մանուչարյանի արստրալկտ կտավներում

May 23, 2016 22:20



Վերջերս ժամանակակից արվեստի թանգարանում տեղի ունեցավ Չառա Մանուչարյանի «Հիերոտոպիա» (սակրալ տարածք) խորհագրով կոնցեպտուալ ցուցահանդեսը, որին ներկայացվեցին հեղինակի հայկական, միստիկ շարքի արստրալկտ կտավները: Չառա Մանուչարյանը իր կտավների միջոցով ներկայացրել է երեք հայկական եկեղեցիների՝ Անիի Մայր տաճարը, Սանահինը և Չվարթնոցը՝ ավանգարդ ոճում: Չառա Մանուչարյանը գծերի, գույների, պատկերների միջոցով արտահայտել է հայկական ինքնությունը, սակայն ոչ դասական, ավանդական միջոցներով: Կտավներում եկեղեցիների հատակագծերն են, ներդաշնակված հայկական հոգևոր կյանքին:



Նկարչուհու խոսքով` նախապես որոշված չէր նախագիծը «Հիերոտոպիա» անվանելը: «Աշխատանքներն արվել են մոտավորապես հինգ տարվա ընթացքում: Այդ շրջանում տեղափոխվեցի և սկսեցի ապրել Եվրոպայում, իսկ ամենամեծ գործերի պատվերներն եղան հենց այնտեղ: Այնտեղ ունեցա երեք անհատական ցուցահանդես, որոնցից մեկը տեղի ունեցավ Սոֆիայում: Ինձ պատվիրվեց երկու մետրանոց գործ և քանի որ տարածք չունեի նկարելու համար, հայկական եկեղեցի տրամադրեցին, որի ներսում էլ նկարել եմ և մեծ աշխատանքներս, և փոքրերը: Եկեղեցու ներսում նկարելն անչափ հետաքրքրաշարժ, աստվածային և ոգեշնչող գործընթաց էր»,- պատմում է Չառա Մանուչարյանը:



Նշենք, որ ցուցահանդեսը ուղեկցվել է հանրահայտ դաշնակահար Տիգրան Համասյանի դեր չիրապարակված երաժշտությամբ և Գրիգոր Նարեկացու «Մատյան Ռդբերգության»-ից հատվածով՝ դերասան Արտաշես Ալեքսանյանի կատարմամբ:

Նկարչուհու խոսքով՝ ամեն մի կտավը ստեղծելիս շատ է ուսումնասիրել հայկական եկեղեցիները և, հատկապես, դրանց հատակագծերը.

«Նախ մեր հատակագծերը շատ առեղծվածային են, եւթետիկական մեծ գեղեցկություն և կառուցվածք ունեն: Ամեն մի կտավ ավարտելիս այնպիսի տպավորություն էր, որ ինչ որ ծիսական արարողակարգ էր կատարվել այդ կտավի վրա: Այդ ընթացքում հաճախ առեղծվածային երազներ էի տեսնում: Շատ եմ ուսումնասիրել էներգետիկ կուտակման կետերը եկեղեցիներում և ոչ միայն: Մի խոսքով, հոգեպես մեծ փոթորիկների միջով եմ անցել, և կարծում եմ՝ այդ զգացողություններն ամբողջովին երևում են կտավներում»:

0	0	0	0	0	22
Tweet	Google +	Vkontakte	Odnoklassniki	Email	Share

Հայ Pyc